


CUN IL FSC EN L'AVEGNIR.

Cuntrada – dapli diversità e vischinanza a la natira.

Economia – dapli forza regionala.

Società – dapli patria e qualità da viver.



Colliaziun a l'analisi dals effects.

Fond Svizzer per la Contrada FSC
Thunstrasse 36
3005 Berna
+41 31 350 11 50
info@fls-fsp.ch

www.fls-fsp.ch

Foto sin il frontispizi: Il giuven pur tessinais Matteo Ambrosini s'engascha cun gronda passiuin per sia patria, ses animals e la natira. La fotografia mussa la Val Lavizzara, nua che Ambrosini cultivescha ensemen cun sia famiglia in prà taiss ed al prepara per la fanada. Senza questa cultivaziun vegniss la surfatscha cuverta da chaglias e guaud. Quai n'engrevgiass betg mo da l'utilisar, mabain pudess era influenzar a moda negativa il maletg da la cuntrada.



FONDS LANDSCHAFT SCHWEIZ (FLS)
FONDS SUISSE POUR LE PAYSAGE (FSP)
FONDO SVIZZERO PER IL PAESAGGIO (FSP)
FOND SVIZZER PER LA CUNTRADA (FSC)

ANALISA DALS EFFECTS

FOND SVIZZER PER LA CUNTRADA

Sigil da qualità cun effects
da gronda purtada



Tge effects han ils projects dal FSC?

Il FSC sustegna iniciativas voluntaras per mantegnair e tgirar las cuntradas culturalas en accord cun la natira – per exempel cun:

- sustegnair praticas agricolas confurmas al lieu
- renovar structuras caracteristicas per la cuntrada, p.ex. mirs sitgs, tetgs da schlondas e da plattas-crap
- plantar plantas cun bist aut, aleas e selvas da chastognas
- liberar auas pitschnas e fitg pitschnas chanalisadas

Bleras branschas survegnan in sustegn direct u indirect grazia a l'agid finanziel dal FSC. Ins ha analisà 436 projects ch'il FSC ha approvà e terminà tranter il 1. da schaner 2018 ed ils 4 d'avrigl 2025. L'agricultura (60 %), suandà da las branschas da la planisaziun (44 %), da l'economia da construcziun e l'orticultura e cuntrada (mintgamai 37 %) sco era da l'economia forestala (27 %) han profità il pli savens (pliras respostas èn pussaivlas). In project po vegnir realisà grazia a represchentantas e represchentants da pliras branschas. Tranter auter survegnan era persunas privatas (p.ex. puras e purs) e vischnancas u uniuns agid finanziel dal FSC.



IL FSP **SCO MULTIPLICATUR E SCO EXEMPEL.**

Multiplicaziun

Dad 1 datti 5 francs!
La cumpart da finanziaziun dal FSC als custs totals dals projects munta a 20 %.

Effect da levagl

80 % dals projects na vegnissan betg u mo en in extent pli pitschen realisads senza ils daners dal FSC.

Exempel


Ils projects dal FSC vegnan percepids dad autras instituziuns da promozion sco projects degns da vegnir sustegnids (sigil da qualitat).

Communicaziun

25 % dals projects fan lavur da persvasaziun e fan visiblas las tradiziuns per la populaziun.

Effect regional

Dapi il 1991 ha il FSC investì passa CHF 175 miu. en var 3'300 projects – quasi la mesadad da quests meds finanzials èn ids en ils chantuns Tessin, Grischun, Vallais e Berna. Er en il spazi da temp examinà dal 01.01.2018-04.04.2025 èn ils meds vegnids investids per gronda part en chantuns cun ina gronda cumpart d'agricultura.



Patria

Las purtadras ed ils purtaders dals projects èn da l'avis che 98 % dals projects sustegnids dal FSC augmentian la valor estetica da la cuntrada, 89 % dals projects hajan in effect positiv sin la natira e la biodiversità locala ed 88 % rinforzian l'identità regionala respectivamain il sentiment d'attaschadadad a la patria.

«Ils projects sustegnids promovan la bellezza, las particularitads e la multifariadad da las cuntradas svizras.»
– Cumissiun per ambient, planisaziun dal territori ed energia (CAPTE-S; BBI 2018 7061)

